

Denique potestati imperantis correlativa responderet obligatio parendi ex parte subditorum, ne secus inutile sit imperium, & ideo cestat libertas naturalis quoad actiones praecise illas, in quas imperanti quā tali jus competit, qui proin leges ferre potest, easque sanctione poenali munire.

CAPUT II.

De Societate conjugali.

S. I.

Societatis conjugalis Notio.

Societas conjugalis sive matrimonium spectatum penes ipsas naturæ leges, quatenus nempe est stabile vinculum duorum sexu diversorum hominum ad propagandam speciem humanam finesque concernentes alios, est conjunctio inita à personis distincti Sexūs, habilibus ad prolem suscipiendam, debitèque educandam. Itaque matrimonii finis potissimum duplex est: Prolis suscep^{tio}, & ejusdem *educatio*. Sanè, satius foret non suscipere proles, quam easdem haud educare debitè. Haud debitè inquam; id est media ad felicitatem sempiternam ab ipsis juris naturæ legibus intentam liberis non parando, superbitando, ac realiter impendendo. Cura adhibenda est singularis, ut prolibus de felici-



tate provideatur temporali, sed & cura adhibenda *singularissima*, ut æternam, ad quam maximè à summo Numinе sunt destinati, felicitatem consequantur. Gravissimæ huic obligationi quicunque desunt parentes, non solum in leges positivas, sed in ipsas quoque leges naturæ impingunt gravissimè, rationem reddituri non exiguum. — Amor prolium rectè ordinatus esse debet: verùm quis rectè ordinatum dixerit eum, vi cuius felicitas prolium umbratilis & fluxa saluti præfertur æternæ? Vanitas vanitatum, luxus cum suis respective adpertinentiis, luxuria romanensium capita &c. &c. juventuti imprimuntur promiscuè, quin de causa religionis, atque de moribus secundum Deum & conscientiam rectè instituendis seriò cogitur. Cùm igitur educatio debita prolium unus sit è præcipuis conjugalis societatis finibus; hinc finem hunc unà cum requisitis mediis negligentes parentes & sibi & liberis perniciosissimum inferunt damnum atque præjudicium.

Matrimonii finis adhuc aliis est communicatio mutui solatii atque subsidii onera matrimonii æqualiter ferendi. — Porro S. Thomas de matrimonio inquit: „ Matrimonium „ institutum fuit in officium naturæ in statu „ innocentiae: deinde illi in statu naturæ cor- „ ruptæ additum fuit, ut esset in reme- „ dium: & tandem in lege nova à Christo „ Domino institutum fuit in *Sacramentum*. ”

Individuam societatem conjugalem ineundi obligationem pertinere ad societatis humanæ cumulum, quin ex parte volentium excludatur castus cœlibatus à Christo primum, dein ab ejus apostolo Paulo maximo-pere commendatus, observavimus in Jure priv. cap. II. In fine § I. — Ex quo conficitur, quam ineptum sit ratiocinium eorum, qui ex illo *Gen.* I. 28. “Crescite & multiplicamini,” præceptum, & quidem præceptum singula adficiens subiecta habilia extundere adlaborant, & tanto quidem conamine & adparatu, quasi aut aliud nullum Dei mandatum nossent, aut saltem aliud nullum gustui eorum tantoperè esset adcommodatum. — Sanè Salvator noster summusque magister, qui non venit solvere legem, sed adimplere, quique *Matth.* XIX. castum cœlibatum mirificè deprædicat atque commendat, hanc, si extitisset ullibi ipsa, legem non ignorasset, aut ei contradicere non voluisse: neque *Paulum* I. *Cor.* VII. aliter, quam divino excitatum atque repletum spiritu locutum fuisse in plenum & manifestum casti cœlibatū favorem inficias ire quis præsumserit. — *Nolite ergo fieri sicut equus & mulus, quibus non est intellectus.* *Pſ. XXXI. 9.* & *Tob. VI. 27.*

Quantumvis denique susceptio proli generatim loquendo unus sit è principalibus conjugii finibus; adtamen is essentialis non est, neque ex parte singulorum omnino con-

jugum tam necessariò intendendus, ut ex altiore castimoniae motivo hinc inde secerri nequeat, sisticque in solo mutuo solatio atque subsidio. Genuinæ naturæ leges ipsæ casto hujuscemodi conjugio, in quo vivitur ut frater & soror, haud resistunt, imò idipsum porius adoptant & comprobant.

§. II.

De indissolubilitate matrimonii.

Ad iquæstionem hanc debitè elimandam, varias matrimonii divisiones præmittimus — Matrimonium neimp̄ est vel *legitimum*, quod secundùm leges naturales ac forte civiles contrahitur à partibus Sacramento baptismi carentibus, proin ab hominibus extra ecclesiā existentibus. — Vel *ratum*, quod subsistit inter fideles aut baptizatos, antequam consummatum fuerit per actum ad generationem prolis habilem. — Vel denique *consummatum*, quod actu jam memorato perfectum est, sive deductum ad usum.

Matrimonium consummatum inter fideles *quoad vinculum* esse penitus indissoluble pro casu quocunque, exceptâ morte compartis, omnino tenendum est, ipsisque juris naturæ principiis ac finibus consentaneum est maximè. Sanè ex matrimonii hujus *quoad vinculum* dissolubilitate non levia enascen-
tur incommoda, quæ utique providus natu-

ræ auctor pro omni eventu voluisse præclu-
dere omnino censendus est: unde lex posi-
tiva divina indissolubilitatem istam innuens
Gen. 2. Matth. 5. & 19. Marc. 10. & 1. Cor-
inth. 7. Juris naturæ regulas finésque est
sectata, ac processit *inhæsivè*. Profectò, si con-
sideremus ex una parte matrimonii onera,
& vitæ societatem prorsus individuam, at-
que ex altera parte hominum proclivitatem
ad libertatem, eorundem levitatem, muta-
bilitatem & pruritum ad diversitatem ob-
jectorum, facile conjiciemus, matrimonii
hujus legibus ac finibus sat validè haud pro-
visum esse atque consultum, nisi vinculum
isthuc pro eventu quocunque esset simplici-
ter indissoluble. — Porro haud pauci indi-
viduae hujus societatis variis sæpe è capiti-
bus pertæsi titulum quæsitori essent & oc-
casionem jugum istud excutiendi ac dissol-
vendi, sicque aut ad libertatem revertendi
minus ligatam, aut ad novas magisque ad-
ridentes nuptias, non sine gravissimo com-
partis derelictæ, proliūmque suscepitarum de-
bitoque educandarum detimento & incom-
modo, transeundi. — Supponamus, compar-
atis evictum adulterium vinculi hujus esse
dissolutivum: nonne propterea commoveri
posset mortalium fragilitas aut malitia, vel
se, vel partem suam in illas conjiciendi
circumstantias, ut iis medianribus consequi
valeret id, quo non supposito liberari ne-
quiret ab eo, quod non placet amplius, &
ad illud devenire, ad quod pleno genio sen-

suumque incitatione totus anhelat? — Hanc
 circa materiam inquit Zallinger: “Constituta
 “societas ab ipsa natura est instituta, qua
 “non hominum voluntate, sed naturali pa-
 “riter causa, ceu per mortem unius con-
 “jugis, dissolvi debet; quemadmodum nec
 “relatio ac nexus inter parentes ac liberos
 “ullo istorum consensu dissolvi potest. Si
 “vinculum matrimonii solvi hominum vo-
 “luntate potest, nihil à vaga libidine diffe-
 “ret matrimonium; quod enim semel licuit,
 “iterum licebit ac etiam lubebit; cum ipso
 “tempore amor tepescat, novarūmque nup-
 “tiarum cupiditas succedat,,. Lib. II. Jur.
 Soc. §. CLXXIV. — Hæc igitur graviaque
 alia ut mala secludantur, sapientissimo auctor-
 ris naturæ consilio matrimonii hujus indissol-
 lubilitas sancta puranda est & constabilita
 contra eventus qualescumque demum inter-
 viventes matrimonii consummati partes utrim-
 que fideles. Quare etiam Christus respondit
 Phariseis apud Matth. Cap. XIX. v. 5. & 6.
 “Et erunt duo in carne una. Itaque jam
 “non sunt duo, sed una caro. Quod ergo
 “Deus conjunxit, homo non separet,,.

Hac in causa concilii tridentini cano-
 nem VII. Ss. 24. adducere juvabit sequen-
 tibus post discussiones varias conceptum &
 promulgatum formalibus: “Siquis dixerit,
 “Ecclesiā errare, cum docuit & docet,
 “juxta evangelicam & apostolicam doctrinam,
 “propter adulterium alterius conjugum ma-
 “trimoniū

“ trimonii *vinculum* non posse dissolvi, &
 “ utrumque, vel etiam innocentem, qui
 “ causam adulterio non dedit, non posse,
 “ altero conjuge vivente, aliud matrimo-
 “ nium contrahere, mœcharique eum, qui
 “ dimissa adultera aliam duxerit, & eam,
 “ quæ, dimisso adultero, alii nupserit, ana-
 “ thema sit.

S. III.

De Polygamia.

Societas conjugalis ratione spectata propriâ, veluti nempe legitimus est nexus mariti unius cum uxore una, *Monogamia* vocatur; si que una parte defunetâ, transeat ad nuptias secundas *Bigamia* obtinet.

Quæritur autem, quid de *Polygamia* sentiendum, dum videlicet societas talis tempore eodem inter plures ex una vel altera parte initur? — Quæstio hæc, ut resolvatur debitè, notandum, quod *Polygamy* dividatur in duas partes valde distinctas; nimirum in *Polygyniam*, quam & *Polygynæciam* nuncupant, & in *Polyandriam* sive *Polyvriam*. — *Polygynia* erit, dum vir unus plures simul habet uxores; *Polyandria* verò, si mulier una plures simul habeat viros. — Non idem de junctione hac utraque feredum esse judicium, ipsis etiam Jurisprudentiæ naturalis consultis principiis, oppidet liquet.

Itaque *Polyandriam* juri naturali etiam *absoluto* contrariam esse, eoquod nullo possit fine cohonestari, omnino statuendum est. Sanè, cohonestabilis non est ob finem proli suscipienda, quam ute pote non nisi ex uno suscipere potest mulier, & aliunde rarius suscipit juncta pluribus. Neque cohonestabilis est ex fine proli educandæ; quia pater erit incertus, proin & naturalis tollitur amor & inclinatio proli alendæ & educandæ, veluti in vaga libidine contingere adsolet. Insuper & secundario matrimonii fini *Polyandria* adversatur; cum enim finis iste consistat in mutuis solatiis atque subsidiis, & in recta debitèque ordinata familiæ gubernatione; hinc plura, atque inter se, saepius pugnantia, in hac societate constituere *cipi*, idem est, ac requisitum turbare ordinem, familiamque in haud levia conjicere discriminia.

Ad *Polygyniam* quod adtinet, patulum est, eam *principalibus* matrimonii finibus, nempe *susceptioni* & *educationi* proli per se haud obsistere; vir enim ex pluribus uxori bus simul sibi matrimonio junctis proles procreare potest, & hæ, utpote certæ quoad patrem & matrem, debitâ educatione perfrui possunt: ex quo fit, quod genus isthoc societatis non repugnet juri naturæ *absoluto*.— Quia tamen memorati principales matrimonii fines talis intuitu societatis difficiliores quodammodo redduntur, insuper & fines secun-

Secundarii, pax nempe societatis conjugalis, mutuum subsidium atque solatium &c.; hinc polygyniam juri naturae hypothetico opponi contendimus. — Opponitur juri positivo divino: "Erunt *dua* in carne una". Matth. XIX, 6. — & Trid. Ss. 24. de Sacr. matr. Can. II. inquit: "Siquis dixerit licere Christianis plures simul habere uxores, & hoc nulla lege divina esse prohibitum; anathema sit",

Certâ igitur datâ hypothesisi dispensare potest Deus quoad *polygyniam*, quin dispensare in jure naturae primigenio sive *absoluto*: qua ratione cum variis veteris testamenti patriarchis, peculiariibus causis moventibus, dispensasse censemur.

Porro ea solummodo in societate conjugali sunt licita, quæ nascendis matrimonii finibus sunt adaptata; cætera verò finibus hisce non inservientia, jure naturae prohibentur. — Inter personas solutas ius naturae damnat genus omne libidinis actionumque quarumcunque in castarum; utpote quæ iullo fine legitimo sunt cohonestabiles.

§. IV.

De impedimentis jure naturae matrimonium dirimentibus.

Societas conjugalis est *pactitia*; & quia pactum speciali insignitum nomine, rationem continet *contractus*; hinc & societas ista



ista *contractibus* rectè adnumeratur. Continet igitur ea, quæ pæctis & *contractibus* generatim adtribuuntur.

Itaque potissimum tria ad validitatem *contractus* matrimonialis jure naturæ requiruntur; videlicet apta *materia*, contrahentium *jus* competens, & eorum *consensus* sub debitis *formalitatibus* sive signis expressus.

Intuitu *materiæ* jure naturæ dirimitur matrimonium, si una, vel utraque pars laboret *impotentiâ* proles suscipiendi, si ea antecedens fuerit atque perpetua.

Quemadmodum in aliis *contractibus*, ita & in matrimoniali certa requiritur facultas ex parte contrahentium, sive *jus* competens ineundi matrimonium vel generatim, vel relatè ad talem personam. — Sic jure hypothetico potest quis inhabilis esse ad matrimonium simpliciter ineundum, uti v. g. religiosus: potest & quis esse inhabilis jure naturæ absoluto relatè ad talem personam, veluti mater relatè ad proprium filium.

Consensus personalis utriusque partis contrahentis tantopere necessarius est ad valorem matrimonii, ut nullâ penitus aliâ unctione eminente humanâ saltem autoritate suppleri valeat. — Potest tamen *consensus* ille per singulare mandatum, neutquam revocatum, alteri parti manifestari per procuratorem,

curatorem, & sic, consensu præstito mutuo, salvisque aliis jure requisitis, iniri matrimonium per procuratorem; id quod & in aliis pactis, contractibus & fœderibus locum habere dignoscitur.

Quidquid igitur consensum hunc tollit, id quoque matrimonii validitati obſtit. — Quare omnis ille, qui reipsa careret *usu ratiōnis*, veluti infans, mente captus, dormiens, plenè ebrius, ex defectu consensū pro illa differentia temporis ineptus est ad valide contrahendum. — Porro consensui obſtar error vel *ſubſtantialis*, dum v. g. contrahenti obtruditur persona numero seu in individuo distincta ab illa, cui is suum adligavit consensum; vel etiam *accidentalis*, quando singularis deest *qualitas*, cui contrahens expreſſe suam adligaverat intentionem, & à qua neque in ipſo actuali contractu recedit. — *Vis*, & *metus*, etsi non tollant voluntarium, ſpeciali tamen lege obſtunt contractui matrimoniali utpote valde oneroſo, atque insuper tali, qui ex indole ſua mutuum amorem, animorūmque propenſionem poſtulat. — Ad vim quoque pertinet *raptus*, dum videſet persona reluetans violenter abducta eſt alio in ordine ad contrahendum matrimonium, neque tuto eſt reddita loco.

Conjugalis intuitu Societatis, quatenus à Jure naturæ ipsa diſcūlitur, in modum advocate quoque juvat *consanguinitatem* & adſi-



ad infinitatem personarum contrahentium. —
Solet autem describi consanguinitas, quod sit
connexio personarum, quatenus a communis causa
seu procreatore & stipite descendunt. —

Itaque quilibet actus causandi determinatum efficit gradum connexionis: unde haec obtinet regula: *Quot sunt gradus causandi, tot sunt gradus connexionis in serie causarum efficiientium & effectuum;* sive, quod idem est: *Tot sunt consanguinitatis gradus, quot sunt generationes.*

Series personarum ab eodem stipite descendedentium dicitur *Linea*; haec si contineat personas, quarum una genuit alteram, recta vocatur; secus collateraliter audit sive transversa aut obliqua. — Quod si linea recta numeret genitores, *ascendens*, si vero genitos ponderet, *descendens* nuncupatur.

Ad infinitas est necessitudo inter conjugem unum, & inter consanguineos conjugis alterius; cum enim verus sit nexus inter ipsos conjuges, consequens est, quod & alterutrius conjugis propinqui cum conjugi altero nexus habere censendi sint; eatenus quidem, ut, quo gradu quis uni conjugi est consanguineus, eodem gradu sit alteri ad finis: quare etiam inter consanguineos mariti, & inter consanguineos uxoris nulla est ad infinitas.

Quoad gradus consanguinitatis & adfinitatis Societatis conjugalis, qui vel absolu-
to, vel hypothetico jure naturæ eidem haud
consentiantur, in modum sequentem statui
posse videtur; nempe *consanguinitatis gradum*
primum in linea recta ascendentium & descen-
dientium, imò omnes *Gradus* etiam *remotio-*
res in eâdem *linea recta*, dein *gradum colla-*
teralem primum, denique *primum adfinitatis*
gradum magis vel minus in vim juris naturæ
cum legitimo connubio posse conciliari.

Quod cum ipsa rationali natura pugnet
connubium *in gradu primo consanguinitatis li-*
neæ rectæ, matris nempe cum filio, & Pa-
tris cum filia, ad sufficientiam innotescit ex
ipso rationali instinctu naturali, fundato in
sensu communi omnibus hominibus utrumque
barbaris & incultis insito: nulla quippe
est gens, quæ nuptias istas, ipso ducente
lumine rationis, non reprobaverit, atque eas-
dem per se se nefandas & inhonestas esse
non legerit in interiori rationis dictamine;
tales enim nuptiæ omni reverentia & ho-
nestatis sensu omnibus connato resistunt:
insuper opponuntur nexui & subjectioni pro-
lium ad parentes, quam tamen subjectionem
naturales ipsæ leges constituunt, quorum
proinde obligationes & officia per nefandum
tale connubium eliderentur.

Præterea naturalis sive connata subjectione
prolium ad parentes, quam in *Jur. nat. priv.*
Cap.

Cap. II. §. III. stabilivimus, atque ex hac
resultantia officia mutua parentum ac libe-
rorum, cum tali connubio conciliari neuti-
quam possunt; alia enim sunt jura & obli-
gationes inter parentes & liberos, & iterum
alia inter conjuges, eatenus etiam, ut hæc
inter se se neeti haud valeant sine perturba-
tione maxima, aut etiam non nisi cum eli-
sione & destruētione eorum mutua,

Quocirca rectè inquit *Heineccius*, *Jur. nat.*
& gent. *Lib. II. §. XXXI.* „ Quæ nuptiæ
„ inter ascendentis & descendentes contrac-
„ tæ cùm maxima turpissimæ respectuum,
„ qui inter has personas intercedunt, con-
„ fusione conjunctæ sunt; ipsa recta ratio
„ illas omnino inhonestas esse agnoscit: &
„ eatenus ICti Romani non malè statuerunt,
„ hunc esse incestum juris gentium L. 38. §. 2.
„ D. ad. leg. jul. de adulst. . . . Cum enim
„ natura probare non possit contradictionis,
„ tales autem verè sint obligationes uxoris
„ & matris, patris & fratris, matris & so-
„ roris, quæ in una persona vix consistere
„ sine summa confusione possunt; hinc nec
„ possunt hæ nuptiæ consistere, quibus hi
„ respectus in una eadémque persona mani-
„ festé confunduntur; veluti in nuptiis *Her-*
„ *sili* & *Marullæ*, de quibus vetus epitha-
„ phium. “

“ *Hersilus* hic jaceo; mecum *Marulla*
“ quiescit,
“ Quæ soror & genitrix, quæ mihi
“ sponsa fuit.

“ Vera negas, frontemque trahis, ænigmata sphyngis
 “ Credis? sunt pythio vera magis
 tripode:
 “ Me pater ē nata genuit, mihi jungitur illa:
 “ Sic soror & conjux, sic fuit illa
 parens. ”

Haud multūm absimilis jurūm officiorūmque huc spectantium confusio enascetur, si etiam in remotioribus lineaē rectæ gradibus consanguinitatis connubium contraheretur; quodli enim majores ex remotoiore sibi subordinata linea recta uxores adsumerent aut maritos, persona talis subordinata, nupta v. g. avo, suo præferretur patri, utpote cuius noverca non sine respectivorum perturbatione jurūm & obligationum, consti tueretur. — Quantum igitur per continuatam generationum seriem de propinquitate & communione sanguinis videtur imminui, tantum reverentiæ & honoris ascendentibus majoribus debiti adcrescit; quæ tamen his debita reverentia decresceret, si etiam in remotiore quovis rectæ lineaē gradu connubia contraherentur: & cùm mutua isthæc jura & officia suam in jure naturæ habeant sedem, consequens est, quod matrimonia in linea hac recta, cujuscunque etiam gradus jure naturæ sint irrita.

Lineam collateralem quoad consanguinitatis gradum primum, fratres nempe atque sorores, quod spectat, dubitari potest, utrum jure absoluto naturæ, num verò duntaxat hypothetico matrimonium inter personas istas locum non habeat.

Cùm universorum conditor Deus, saltem inter filios & filias protoparentis nostri Adami matrimonium subsistere, & sic primus genus humanum propagari voluerit; hinc matrimonium istiusmodi juri naturæ absoluto non repugnat, neque ex capite juris naturalis primigenii dici potest invalidum. — Sublato expost hoc necessitatis jure, nulla amplius p̄emani bus erat ratio sufficiens in eundi talia matrimonia, quee alioquin rem sapiunt inordinatam. Igitur matrimonia isthæc jure naturali hypothetico vetita jure censentur. Quare Cl. de Martini Cap. XXV. de societ conjug. §. DCCXXII. ait: Cùm tamen perpetua harum personarum (fratrum & sororum) familiaritas & conversatio in honestas consuetudines gignere posset, si sperarentur nuptiae; sufficiens adest fundamentum, cur graviter illæ interdicantur. “

De matrimonii *adfinium* in primo gradu lineæ rectæ oppidò quoque patescit, quod earum intuitu permulta hypothetica jura & officia ac debitus potissimum personarum respectus, turbentur. — De his disserte loquitur Zallinger in modum sequentem:

„ Ma-

„ Matrimonia inter adfines primi gradus in
 „ recta linea , ceu inter vitricum & privig-
 „ nam , novercam & privignum , sacerum
 „ & nurum , socrum & generum , ipsa quo-
 „ que , si necessitas nulla extorqueat , mag-
 „ nopere indecora sunt , & à sensu ac mor-
 „ ribus cultarum gentium aliena. Neque
 „ tamen pland repugnant naturali legi ; cum
 „ istiusmodi personæ rationem parentum ac
 „ liberorum reipsa non habeant , nec sine
 „ fictione quadam habere censeantur. *Lib. II.*
 „ *de jur. nat. soc. §. CLXXXIX.*

Pro fine notamus , quod reliqua societatis conjugalis officia in tres partes dividantur ; videlicet in ea , quæ communia sunt conjugi utrique , in peculiaria mariti , & in specialia uxoris.

Communia sunt : fides intemerata , constans amor , mutuum obsequium ; ex horum namque observantia debitâ resultat conjugum ac familiæ tranquilitas , pax & concordia domestica , & felicitas concernentium.

Officia *mariti peculiaria* sunt : uxorem diligere , ac dirigere ; dirigere inquam , non ut ancillam , sed tanquam vitæ sociam. Verum quidem est , quod , testante apostolo I. Cor. XI. 3. » Caput mulieris ~~est~~ vir. « Ast imperium istud servile non est , quale in famulos & famulas hierus exercet , multò minus despoticum , imò ne politicum quidem , ea nempe regio-



tione, qua in societate inæquali Princeps gubernat subditos; sed omnibus his temperatus, in mutuo nempe amore, mutuisque studiis communi rei domesticæ consulendi fundatum. Sanè, non servam, sed adjutorium simile sibi, marito dedit Deus. Teneretur porro maritus graviora domestica & alia subire negotia ac munia, uxorem atque familiam non solùm regere, sed & alere, simul atque defendere.— In figendo domicilio, uxor virum sequi tenetur, nisi specia-
lia obstant paëta, aut adjuncta contrarium justè determinantia.— Passim quoque inter officia mariti numerant auëtores circumspec-
tionem, cautionémque diligenter, ne uxoris blanditiis aut tricis à constantia recte agendi, aut ab obligatione servandi arcari suo officio adhæräsentis avocetur.

Denique *specialia uxoris officia* sunt: animum mariti sibi tenere devinētum, quantum id salvâ virtute fieri potest: otium & luxum omni conatu propulsare tum à se, tum à suis liberis atque domesticis: domesticorum quoque negotiorum solicitudinem suscipere; atque in omni pietate, concordia & amore prælucere singulis, eosque ad virtutem ex-
citare.

Quæri hoc adhuc loco potest, quid in vim juris naturæ sentiendum de *sponsalibus* matrimonio præmitti solitis? Definiri passim solent *sponsalia*, quod sint *promissio mutua* fu-

tutti matrimonii. Ex quo pater, quod sponsalia veram contineant rationem pacti, simul atque requirant *jus paciscendi*, debitum *objectum*, & mutuum *consensum*; queis singulis præstitis, naturalis oritur *obligatio* datam & cum re promissione acceptatam promissio nem opportune adimplendi. — Quod si pars una tamen promissionem sibi datam nudè duntaxat acceptaverit, quin suam interpo fuerit *re promissionem*, non tam complere vera sponsalia, quām spatiū deliberandi petere sibique reservare censetur; ubi extunc partem promittentem devinctam tenet, quin ipsa ante re promissionem ex sua parte sit obligata ad ineundum matrimonium.

Sponsalia igitur unde quaque perfecta proforo interiorē pariunt obligationem ex iustitia utrumque adimplendi promissum; & pars sine competente ratione reluctans, ad contrahendas nuptias compelli potest. — Quamvis porro matrimonium sit penitus indissolubile quoad vinculum, sponsalia tamen *mutuo* sponsorum consensu dissolvuntur. — Si insuper post contracta sponsalia nova, gravis & probata superveniat ratio legitimè movens, promissum matrimonium non contrahendi; pars una resilire potest etiam invitâ alterâ parte: quippe si in ullo, vel maxime in hoc negotio, quod ad mutuum amorem, & ad perpetuam indissolubilēmque vitæ societatem ordinatur, valere debet ratio, qua nemo promittens